




Direzione  
Didattica  
Jole Orsini  
AMELIA



## **PRINDERVE TE HUAJ**

**Si funksionon shkolla fillore në Itali**

12 informacionet e para për mirëpritjen e fëmijëve tuaj



## ***MIRESEVINI*** **në vëndin tonë dhe në shkollat tona**

Para së gjithash, u themi juve dhe fëmijëve tuaj  
“Mirësevini” në Itali dhe në shkollën italiane.  
Më poshtë ju japim disa informacione mbi shkollën fillore.



# 1 SA VJET ZGJAT SHKOLLA NE ITALI?

Çerdhja	deri në 3 vjeç
Shkolla e fëmijërisë	nga 3 deri në 6 vjeç
Shkolla fillore	nga 6 deri në 11 vjeç
Shkolla dytësore e shkallës 1°	nga 11 deri në 14 vjeç
Shkolla dytësore e shkallës 2°	mbi 14 vjeç

Cikli i parë i shkollimit zgjat 8 vjet:

- 5 vjet të shkollës parësore
- 3 vjet të shkollës dytësore të shkallës së parë.

Shkolla fillore është falas. Librat jepen nga shkolla; familjet duhet të blejnë fletoret, stilolapsat, ngjyrat, etj.

*Kërkojuni mësuesve listën e materjaleve.*



## 2 ÇFARE DOKUMENTASH NEVOJITEN PER TE RREGJISTRUAR FEMIJET NE SHKOLLEN FILLORE?

Për të rregjistruar fëmijën në shkollë, prindi duhet të plotësojë një formular i cili i jepet në sekretari.  
Në të bëhet një autodeklaratë në lidhje me datën e lindjes së nxënësit dhe jepen edhe të gjitha informacionet e kërkuara.

Nëqoftëse ka këto dokumenta:


- çertifikatën e lindjes
- çertifikatën e vaksinimit
- deklaratën e shkollës që ka frekuentuar në vëndin prej nga vjen

mund ti dorëzojë në Sekretari.

Në rast se mungojnë këto dokumenta, prindi deklaron nën përgjegjësinë e tij, klasën që ka frekuentuar fëmija në vëndin prej nga vjen.

**Në momentin e rregjistrimit plotësohen formularët për:**

- zgjedhjen e llojit të shkollës
- mësimin e fesë katolike
- rregjistrimin në mensën e shkollës
- rregjistrimin në para-shkollë



### 3 SHKOLLA ME “KOHE TE PLOTE” APO ME “KOHE NORMALE”?


Në këtë shkollë, prindërit mund të zgjedhin midis dy varianteve të orareve dhe të organizimit shkollor:

- **klasa me “kohë të plotë”:**  
40 orë në javë nga e hëna në të premte nga ora 8 deri në orën 16

- **klasa me “kohë normale”:**

30 orë në javë  
Orari javor përcaktohet nga çdo shkollë.  
Mësimet fillojnë në orën 8.

*Eshtë e rëndësishme të jeni të përpiktë në orare.  
Kërkoni menjëherë orarin e klasës së fëmijës tuaj.*



## 4 SI RREGJISTROHEN FEMIJET NE MENCE?

Në këtë shkollë ekziston shërbimi i mencës shkollore. Prindërit paguajnë për drekën një kuotë e cila ndryshon në bazë të të ardhurave të familjes. Është e mundëshme që të kërkohet një djetë e caktuar për arsye shëndeti ose për arsye feje.

Për tu regjistruar në shërbimin e mencës shkollore duhet të plotësohet një formular i gatshëm, i cili i dorëzohet Sekretarisë Komunale.


Në rast se prindi kërkon reduktimin e kuotës për mencën e shkollës, duhet të plotësojë një formular në formë auto-çertifikate ku deklaron të ardhurat e të gjithë familjes.

Duhet paraqitur karta e identitetit e prindit (ose pashaporta).

### **Në sekretarinë e shkollës dorëzohen**

- kërkesa për dietën e veçantë për arsye feje apo shëndeti.

*Për pyetje të mundëshme apo për çfarëdolloj problemi tjetër, drejtohuni tek sekretarija e shkollës.*



## **5 NE RAST SE PRINDERIT E FILLOJNE PUNEN SHPEJT DHE E MBAROJNE VONE?**

Për të zgjidhur këto probleme, në disa shkolla organizohën edhe aktivitetë të para-shkollës (në mëngjes nga ora 7.25 deri në fillimin e mësimave).

*Kërkoni informacione në sekretarinë e shkollës në lidhje me kërkesën që duhet paraqitur.*



## 6 MESIMI I FESE KATOLIKE APO ZGJEDHJE ALTERNATIVE?

Për një orë në javë parashikohet mësimi i fesë katolike.  
Në momentin e regjistrimit prindërit duhet të deklarojnë nëse:

pranoj

nuk pranoj

këtë lloj mësimi. Në rast se prindërit vendosin të mos u mësojnë  
fenë katolike fëmijëve të tyre, duhet të zgjedhin midis tre  
mundësive alternative:

- aktivitete mësimi dhe formuese
- aktivitete studimi dhe/ose kërkimi individual me ndihmën e mësuesit
- dalja nga shkolla

# 7 CILI ESHTË KALENDARI SHKOLLOR?

Shkolla zgjat rreth 9 muaj.  
Fillon nga mesi i shtatorit dhe përfundon në mes të qershorit.

Ka dy periudha pushimesh:

- dy javë për Krishtlindje (zakonisht nga data 23 dhjetor deri në datën 6 janar)
- rreth një javë për Pashkë (në muajin mars ose prill)

Ditët e tjera të pushimeve janë të shpërndara gjatë vitit dhe varen nga vendimet e shkollave të veçanta.


*Shkolla do t'ju njoftojë çdo herë, nëpërmjet një lajmërimi në ditarin e fëmijës tuaj.*

*Kontrolloni gjithmonë ditarin!*

## Mungesat

Çdo mungesë duhet të justifikohet gjithmonë nga prindërit.





## 8 ÇFARE MESOJNE FEMIJET NE SHKOLLE?

Në shkollën fillore fëmijët studiojnë:


- gjuhë italiane
- matematikë
- shkenca
- histori
- gjeografi
- teknologji dhe informatik
- anglisht
- vizatim
- gjimnastikë
- edukim muzikal



## 9 SI VLERESOHEN RREZULTATET SHKOLLORE?

Çdo vit shkollor ndahet në dy pjesë (2 semestra): nga shtatori në janar dhe nga shkurti në qershor.

Në janar dhe në qershor mësuesit bëjnë vlerësimin e rezultateve shkollore të nxënësve dhe përgatisin “dokumentin e vlerësimit” i cili i jepet familjes.



# 10 PER ÇFARE SHERBEJNE TAKIMET MIDIS PRINDERVE DHE MESUESVE?

Mësuesit, në mënyrë periodike takohen me prindërit për të folur me ta në lidhje me programin e klasës, në lidhje me fëmijët, për vështirësitë dhe ecurinë e tyre.


Këto momente takimi janë shumë të rëndësishme sepse në këtë mënyrë shkolla dhe familja mund të bashkëpunojnë për edukimin e nxënësve dhe për integrimin e tyre të mirë.

## Takimet

Çdo mësues njofton prindërit në lidhje me ditën në të cilën ai mund të takohet me ta për të folur për fëmijën e tyre.

Edhe prindërit mund të kërkojnë një takim me mësuesit.

*Në rast se dëshironi të flisni për fëmijën tuaj, kërkonijë menjëherë një takim me mësuesit.*



# 11

## NE RAST SE FEMIJA NUK E NJEH ITALISHTEN?

Për ta ndihmuar fëmijën tuaj për tu integruar me klasën dhe për ti mësuar gjuhën e re, mësuesit organizojnë disa aktivitete individuale dhe aktivitete për mësimin e gjuhës italiane të shkruar dhe të folur.

# 12 DHE NEQOFTESE

## DESHIRONI TE DINI ME TEPER?

*Mos u preokuponi!*

Ekzistojnë në fakt disa qendra që mund t'ju japin këshilla konkrete:

- Zyra e emigrimit: është hapur sipas ligheve n.286/98.  
Në Komunem e Amelias është një Shoqatë që quhet (Arci ragazzi) Shtëpi per rininë (Casa del Sole).  
Me aktivitete të ndryshme: si gjuha italiane, zyrë dëgjmi për të huajt e aktivitete kulturele dëfrimi për tu integruar.  
ORARI: të martën e të premtën nga 16 në 19. Tel. 0744.98.22.80
- Karitasi i Amelias, është pranë qendrës ndihmëse të rinisë Maria në rrugën Noçikia. Tel. 0744.97.87.52.  
ORARI: të hënën e të merkuren në mengjes nga ora 9 derinë 11 e të premtën mbasdite nga 17 në 18.  
Ju shpë rndahen ushqime e rroba veshjeje. Funkcionon edhe një mence për të varfrit e një shtëpi pritje.  
Për informacione të ndryshme mund të drejtoheni pranë kishës së San Françeskos në nr tel. 0744.98.20.76.
- Si Qendër (Centro Come)  
Via Galvani, 16  
Milano  
Tel. 0267100792  
www.centrocome.it  
come@farsiprossimo.it ; info@centrocome.it

*Natyrisht ka prindër të huaj që mund t'ju ndihmojnë!!!*

**SHKOLLE TE MBARE !**